

colaus hæmingson, recognouit, et confessus est publice, se quandam prediorum permutacionem fecisse, cum venerabilij patre, Domino Nicolao Dei gracia archiepiscopo vpsalensi, suo et ecclesie sue nomine, in hunc modum, videlicet, quod pro curia sua wardhsætrum, Cui subiacent Nouem ore terre cum vno solido, et decem et nouem solidis terre in gutasund, Et brachio piscature in fløtasund, Jtem pro curia sua in hwamum, Cui subiacet Marcha terre solido minus, et vndecim solidis terre in nustatunum, que omnia tradidit, assignauit, et appropriauit Domino archiepiscopo, et ecclesie sue, cum omnibus iuribus et pertinencijs dictis bonis intra, uel extra, prope uel longe sepes positis, absque vlla excepcione dicta affnempning, Recepit ab eodem Domino archiepiscopo Tres Marchas terre in ballinxstum, et Curiam in lundi, in parochia æsæbro, cui subiacent sex. ore. terre, cum omnibus iuribus et attinencijs dictis predijs, intra uel extra, prope uel longe sepes positis, absque qualibet excepcione dicta affnempning, Super predicta autem permutacione, dati, assignati, et recepti fuerunt secundum leges et patrie consuetudinem firmarij wlgariter dicti fastar, Recognouit eciam dictus Nicolaus se recepisse et habuisse ab eodem domino archiepiscopo ad valorem Quinquaginta Marcharum monete nunc currentis, Quas ratione cuiusdam melioracionis sibi dedit, In premissorum autem testimonium, et euidenciam pleniorum sigillum nostre communitatis ad instanciam dicti Nicolai presentibus est appensum, Datum vpsalie anno domini. M°. CCC°. Quarto, In Octaua sanctorum Innocencium.

Sigillet bortfallet, remsan qvar.

1416.

1304 d. 14 Jan.

Linköping.

Tjenstförrättande Lagmannen i Östergötland WALDEMARS Fastebref på 2:ne åttingar i Öraberg, som Domprostén i Linköping Wimund köpt af Kyrkoherden Salmund i Näsby.

A. 6. a.

Omnibus presentes litteras inspecturis. WALDEMARUS uices legiferatus gerens in osgocia. salutem in domino. Tenore presencium constare volo luculenter. quod anno domini. M°. CCC°. IIII°. feria secunda proxima post octauam epiphanie. que dicitur lagdhingsmanadager. lincopie in curia domini episcopi in magna stupa. communicato discretorum et legisperitorum consilio solempni examinacione et diligenti inquisicione prehabitis. legumque patrie tradicionem seruata. duos attungos. in ørabyergh in parochia Rystad. quos dominus Wimundus prepositus lincopensis de domino Salmundo quondam rectore ecclesie de nesby. per legittimam prediorum permutacionem mæd festum oc laga-fangum

fangum habuerit. eidem domino .W. preposito sentencialiter adiudicauit. dictos duos attungos cum omnibus eorundem attinenciis. vendicandi. occupandi. possidendi. colendi. seminandi. inhabitandi. arandi. metendi. ibique fructus colligendi et seruandi. plenam et liberam legum auctoritate concedens facultatem. Huic igitur facto interfuerunt. Domini. Haquinus dictus læmæ. et nicolaus throtæson. cum. Johanne ingæson. Swenone de læluby. Siggone thordason. et øiaro niclassæson. nec non et aliis quam plurimis nobilioribus et discretioribus osgocie tam clericis quam laycis. Quorum sigilla ad premissorum euidentiam plenioram ac firmiorem. vna cum meo presentibus sunt appensa. Datum loco et die supradictis.

Sigillen: N:o 1 borta; N:o 2—6 obetydligt skadade.

1417.

1304 d. 26 Jan.

Örebro.

Konung BIRGERS Befallning till Edsbergs sockens invånare, att ingalunda sätta sig emot Riseberga klostrets af ålder erkända rättighet till vården om deras församling och inkomsterna af densamma.

A. 3. n.

BIRGERUS dei gracia sweorum gothorumque Rex, Discretis viris vniuersis et singulis parochianis ecclesie eezbergh In domino gratiam, dilectionem et salutem, Noueritis nos ex relatione fidedigna discretorum plurium veraciter didicisse, quod ecclesia vestra sub ordinatione et regimine sanctionialium monasterij Risiberghum fuerat ab antiquo, de qua eciam fructus annuatim prouenientes perceperant domine monasterij supradicti, Quare cum beniuolus assensus Reuerendi patris Domini ysari dei gracia Episcopi strengenensis ad hoc accedat, quod decetero sicut hactenus regimen habeant ecclesie eiusdem domine supradicte, volumus et districte vobis precipiendo mandamus Quatinus super prouisione seu regimine vel eciam fructuum perceptione ecclesie memorate, dictas dominas nullatenus prohibere vel impedire presumatis, quin potius ipsis iusticiam omnimodam prout a retroactis temporibus eisdem dominabus fieri consuevit, exhibere curetis, prout vlcionem nostram volueritis euitare, Nam supradicte domine nobis firmiter promiserunt quod reuerenciam omnem et obedienciam, ac seruicium vobis debitum, in omnibus et singulis sicut decet et expedit exhibebunt, Datum apud ørabro Anno domini M°. CCC° quarto, dominica septuagesime.

Sigillet skadadt, hängandé på en ur brefvet klippt remsa.